

Oló ê Sikoa

(Tabít oló ê si.)

- 1 Góa ê SiōngChú — góa ê Ông ah, góa beh chunchông Lí!
Góa beh éngéng oánoán oló Lí ê miá!
- 2 Góa beh jítjít kámsiā Lí,
mā beh éngéng oánoán oló Lí ê miá.
- 3 SiōngChú chítōa, engkai siū tōa oló;
I ê úitāi bô lâng ē tàng chhektók.
- 4 Chit tãi beh tùi hit tãi oló Lí ê só chò,
koh beh soaniông Lí tōa koânlêng ê chokûi.
- 5 Góa beh bèksiông Lí chunkùi êngkng ê uigiâm,
kah Lí kibiāu ê chokûi.
- 6 Lâng beh kóngkhí Lí kiáⁿ thang kiaⁿùi ê sū ê tōa koânlêng;
góa mā beh soaniông Lí ê úitāi.
- 7 In beh soaniông Lí kéktōa ê intián,
koh beh chhiùⁿkoa oló Lí ê konggī.
- 8 SiōngChú ū intián, ū liânbín;
bē khoàikhoài siūkhì, koh ū tōa chùài.
- 9 SiōngChú hó khoánthài bāniú;
I ê liânbín pìim I só chō ê itchhè.
- 10 SiōngChú ah, Lí só chō ê itchhè lóng beh kámsiā Lí;
Lí ê sèng chúbîn mā beh oló Lí.
- 11 In beh kóngkhí Lí koktō̄ ê êngkng,

Oló ê 詩歌

(大衛 oló ê 詩。)

- 1 我 ê 上主—我 ê 王 ah, 我 beh 尊崇祢!
我 beh 永永遠遠 oló 祢 ê 名!
- 2 我 beh 日日感謝祢,
mā beh 永永遠遠 oló 祢 ê 名。
- 3 上主至大, 應該受大 oló;
祢 ê 偉大無人 ē tàng 測度。
- 4 Chit 代 beh 對 hit 代 oló 祢 ê 所做,
koh beh 宣揚祢大權能 ê 作為。
- 5 我 beh 默想祢尊貴榮光 ê 威嚴,
kah 祢奇妙 ê 作為。
- 6 人 beh 講起祢行 thang 驚畏 ê 事 ê 大權能;
我 mā beh 宣揚祢 ê 偉大。
- 7 In beh 宣揚祢極大 ê 恩典,
koh beh 唱歌 oló 祢 ê 公義。
- 8 上主有恩典, 有憐憫;
bē 快快受氣, koh 有大慈愛。
- 9 上主好款待萬有;
祢 ê 憐憫庇蔭祢所造 ê 一切。
- 10 上主 ah, 祢所造 ê 一切 lóng beh 感謝祢;
祢 ê 聖子民 mā beh oló 祢。
- 11 In beh 講起祢國度 ê 榮光,

mā beh tâmlūn Lí ê tōa koānlêng,
12 thang hō sèkan lāng chai Lí tōa koānlêng ê
chokûi,
koh chai Lí koktō ê uigiâm kah êngkng.
13 Lí ê koktō éngoán chûnchāi!
Lí chip chiáng ê koānpèng chûn kàu bān sètāi!
14 SiōngChú hūchhī sōū poáhtó ê lāng;
koh hūkhí sōū pī apchè ê lāng.
15 Sōū ê bákchiu lóng teh gióngbōng Lí;
Lí chiàu sī hō in chiáhmlh.
16 Lí phakhui Lí ê chiú,
hō sōū ê oáhmh lóng chiàu in só ài ê lâi tit tiòh
páchiok.
17 SiōngChú só kiâⁿ ê itchhè lóng sī konggī ê;
I só chò ê itchhè lóng sī sìnsít ê.
18 Kiànnā kiúkiò SiōngChú ê lāng, SiōngChú kah
in chhinkīn,
iā tòh sī chhinkīn hiahê sêngsim kiúkiò I ê lāng.
19 Kèngùi I ê lāng, I beh sêngchiū in ê simgoān;
I beh thiaⁿ in ê kiúkiò, koh chíngkiù in.
20 SiōngChú pòhō sōū thiàⁿ I ê lāng,
khiok beh biátchoát sōū chò pháíⁿ ê lāng.
21 Góa ê chhùi beh kóng chhut oló SiōngChú ê
ōe;
goān itchhè ū hiátkhì ê lóng éngéng oáoán
oló I ê sèngmiâ.

mā beh 談論祢 ê 大權能，
12 thang hō 世間人知祢大權能 ê 作為，
koh 知祢國度 ê 威嚴 kah 榮光。
13 祢 ê 國度永遠存在！
祢執掌 ê 權柄存到萬世代！
14 上主扶持所有跋倒 ê 人；
koh 扶起所有被壓制 ê 人。
15 所有 ê 目 chiu lóng teh 仰望祢；
祢照時 hō in 食物。
16 祢 phah 開祢 ê 手，
hō 所有 ê 活物 lóng 照 in 所意愛 ê 來得 tiòh
飽足。
17 上主所行 ê 一切 lóng 是公義 ê；
祢所做 ê 一切 lóng 是信實 ê。
18 見若求叫上主 ê 人，上主 kah in 親近，
也 tòh 是親近 hiahê 誠心求叫祢 ê 人。
19 敬畏祢 ê 人，祢 beh 成就 in ê 心願；
祢 beh 聽 in ê 求叫，koh 拯救 in。
20 上主保護所有疼祢 ê 人，
卻 beh 滅絕所有做 pháíⁿ ê 人。
21 我 ê 嘴 beh 講出 oló 上主 ê 話；
願一切有血氣 ê lóng 永永遠遠 oló 祢 ê 聖
名。